

江蘇府縣志輯

中國地方志集成

寶應縣志

中國地方志集成

江蘇府縣志輯 ④49

民國寶應縣志

江蘇古籍出版社 ● 上海書店 ● 巴蜀書社

責任編輯 卞惠興
封面設計 范一辛

中國地方志集成

江蘇府縣志輯④⑨

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一四九元

1991年6月第1版 1991年6月第1次印刷

ISBN 7-80519-263-4 / K·143



民國寶應縣志



戴邦楨
趙世榮
馮世煦
朱萇生
纂修

十一年 本書三十二卷首一卷，據民國二
九年（一九三二）鉛印本影印。

寶應縣志發刊詞

辛未冬余捧檄來寶應甫下車卽搜覽邑乘知自道光以後百年無成書雖經屢續纂修稿成以款絀未錄余亟欲付梓值秦郵決隄之後境內被水盜匪復肆剽劫民居蕩析十室九空招撫流亡捍衛鄉井方端揣焉時懼弗勝焉有餘力講求文獻坐是又束閣一載有奇茲幸耕者歸來歲獲有秋迭殲盜魁荏苒稍靖若再事輾轉鴻編巨製散佚可虞爰就地方收費斟酌損益刊印此志庶禮樂政教風俗沿革可以援古證今甯獨官斯土者得資考鏡儻亦都人士所樂與觀成者乎是書體

寶應縣志 卷首 序

例謹嚴紀載翔實前賢序述綦詳余不復贅謹誌其發刊之緣起如此

民國二十一年十二月寶應縣縣長奉化江輔勳識

序一

寶應隋名安宜屬揚州唐上元三年獲定國寶於縣更今名迄明清未易代生聞人儒術文章江淮所崇流風逸韻及一邑興廢沿革之蹟前志載之綦詳惟自道光以後志無專書若坐視墜緒茫茫不思廣續地方文獻不幾無徵耶庚午秋余捧檄來此適邦人士設局修志屬稿未竟余復縱輿之未半年而書成分總目十三子目各以類入都六十萬言其攷訂疆域建實河渠能援古以證今其記載食貨學校選舉武備官師人物列女及藝文古跡又嚴其體例如史家言事一字一句均有

寶應縣志 卷首 序

明稿之精我無繁曠之蕪詞與前志後先相輝映謂非諸君子集思廣益旁甄博誠不克臻此今將付劂闕問序於余自維譎陋曷敢贊一詞然樂與觀成附名簡末輒沾沾以爲私幸抑更有進者是編斷至清季而民國肇造於茲廿年禮教風俗因革損益尤不可不踵而編之則亦居斯土與官斯土者之責歟中華民國二十年三月中旬寶應縣縣長儀徵趙世榮序

序二

邑之有志也於以啓政教之源流定風俗之正變鑒古以知今揆今以式後其所關於官斯居斯者綦重非可苟焉而已寶應志乘議修十餘年人事牽率卒未成書今距道光時纂修已近百年一邑之政教風俗略焉不講賢人君子之因以湮沒無傳此識者所羞亦官斯土者之責也憲珊承乏是邑首以志事謀諸父老廣修以竟前業局張而予去官書成寄予發而覽之遐稽博採芟煩撮要百年之迹備極蒐羅宏茲論列卽前志所未逮者亦皆正其參差補其闕失綱具目張可以鑒古知

寶應縣志

卷首序

三

今而式後無疑也夫作志之難據往難於覈實採今難於正疑而詳略去取之間繁則蕪儉則陋難於體裁之各當今是志宏以博也約以精也美不虛而微能闡也信無三難而兼有四善者矣烏能謂其苟焉乎哉明萬歷時陳公清康熙時徐公道光時孟公皆官是土者也其爲志序悉陳邑之利病尤切於水旱之虐愛民之誠流露於楮墨憲珊官此值頻年旱災之後區寓凋耗生計迫蹙民窳而俗益敝憫焉憂之未久乃受代去無一善以及於邑草此序成尤悚歎而不能自己者也民國二十二年二月前寶應縣長灌雲孟憲珊序

萬歷志序

夫志匪直載事以昭鑒也凡地運變遷隆替習俗美惡與司牧者之淑慝咸具焉故作者華過其實詭浮於經非良觀者徒備披覽而無所懲鑒非善寶應蓋自唐中葉以十三寶得名而臧陳則起自射陽是蓋古名區云以故文章風雅忠節孝義往往代出至今爲烈第其地昔庶而富自嘉隆之際以逮今日民貧次骨戶口日耗而習俗非向之勤且儉矣烽奉命來適當水荒邑里蕭然民多菜色事務百廢心甚懼之日認認然求所以幹濟而調停之未得也載觀縣志往未罹水災惟嘉靖二

寶應縣志

卷首序

四

年歲饑自四十年後迄今水荒蓋十七焉民何以堪哉固宜嗚昔日替也其間令茲土者稽高陽劉公賢最著以歲荒存活饑民事爲稱首其後若徐李韓耿數公屢當歲歉並皆以撫字著績清勤有聲而李公之均攤里徭耿公之興革六事又鑿鑿爲宜民之政燿惟斤斤繩故武民甫安之癸巳水復爲災視昔更甚燿亟請蠲賑而日匍匐堤所從事存儲晝勤夜思亦竊有所條議有所興建咸以惠民耳顧惟劉公蒙累世平成僅一當荒歲而動勸周濟遂劇稱繁難況值饑僅荐臻之後者又豈易爲力哉數公之故政良足爲鑑計今當事諸公之

請獨給賑留儲平糶誠抹荒之奇筴也事尙未志乃屬
邑人吳隱君甫就稿未經釐次而隱君逝矣燿乃標次
刪削之而與文學掌故虛君及二三弟子員讐校之以
梓梓成而以是序弁簡編特以自鑿兼以鑿來者云然
欲寶應還舊觀必先事水利故手著或問八條俾水不
爲災而爲利庶凋瘵可甦而富庶有日矣他若風俗文
雅節孝之事志已具載又邑人士所稔聞者故可取則
而形勝祥瑞之異又非民生之要重者又奚容喙焉萬
歷甲午歲仲秋之吉賜進士第文林郎知寶應縣事山
陰陳燿書

康熙志序

邑肇造於漢有平安安平之名後屢易其稱迨唐始改
爲寶應至今不易其人物事蹟惟漢臧洪陳容陳琳三
人與項伯封射陽侯僅一再見此外間有遺事雜述亦
零落無多至明始有傳紀豈千餘年間無可紀載耶抑
江淮之間數罹兵燹雖有可紀載而失其傳耶蓋邑當
河淮下流屢被水患在明已然沿及皇朝其浸瀾熾致
田廬漂沒人民流散一二子遺皆有菜色遂爲極凋疲
之邑凡仕茲土者罔不蹙額愍愍焉以得免爲幸其於
紀載亦有不暇及矣今天子御極之二十五年繼初受

命來吏茲邑見洪波浩渺無培塿之阜人民雜居於鷗
鷺力作不足以供賦租皆嗟星蠶而泣雨蓑乃喟然歎
曰曩亦聞茲爲澤國由今觀之惟是澤而已矣又焉能
爲國賴天子神聖仁慈歲下蠲租之詔所以休養生息
此疲癯者無不極至邇年以來民之菜色者稍甦流散
者漸復而天行之水旱亦漸以時若繼之待罪於此已
歷五年視初至之時土地人民蒸蒸然有日向榮之勢
且人文振起賢才輩興但地運與風俗相爲轉移養宜
繼之以教繼雖霜槩自矢淵冰是惕然自揣謏陋德教
殊慚表率無以挽易其流習然竊有意於顯忠直勵廉

恥培節義以厚人心而懼見聞不廣無以爲邑觀聖因
考明邑人吳曰南所撰邑誌輟筆於萬歷二十二年迄
今又百餘年矣夫忠孝節義世常不絕以百年之間陵
谷變遷人物廢興河渠水利便宜轍異又况如歲數荐
饑聖天子殫心災庶頻發帑廩屢行賑恤罷除滄荒之
賦稅者已二十餘年近更廣儲積倣常平例以預備稂
荒併前賢之良法善政便民頗多若闕而不紀將上無
以彰帝德之深仁下無以發潛哲之幽芳後之人無以
取鑒而感激甚缺典也乃獮簿書猥俗淺薄迂疎又何
敢以文章自擅會侍讀喬先生山居多暇相與博諮訪
討故實覆閱見詢輿情編輯撰述積百有餘日而書成
大要俾觀者返貞潔之淳風改競貪之澆習厚自激濯
以仰希先正不替前型未必非政教之一助也區區此
衷庶見諒於後之來者康熙庚午歲仲秋之吉敕授文
林郎知寶應縣事光州徐繼題於玉雞堂

道光志序跋

蓋謂士習民風相爲表裏未有士行端而民俗不淳者
故一邑人士四民標的也寶邑舊已凡夫世運地利不
無變遷人事吏治不無難易由今視昔邑煩民瘠俗漸
澆漓而翼教維風猶賴都人士相與隱持於不敝自古
奇人傑士若漢之臧洪陳容諸人其事蹟爲特著厥後
千餘年間蓋闕如矣至有明按其傳記考其名氏儀型
載在志書者皆堪爲後人法是知風雅文章忠孝節烈
代不乏人而其間詳略不同夫豈無當世不傳後遂湮
沒者人才之顯晦亦時之有幸有不幸與我國朝運際

昌明治平已久其間水旱不時民生間有失所者上賴
累朝聖仁以養恬之而人文於茲爲盛前有季公王公
後先及第嗣又有文定朱公適符鼎三之數外此以才
學登科甲者指不勝屈僉以爲文章之盛譽而要豈僅
以文章見哉其顯而仕者出其所學類皆於世大有濟
卽其不出而家食者崇名義黜詐虞相與好行其德亦
足表範乎斯世夫端士習以培民風國之懿教也以故
賢能統愚富不嫉貧善氣積而戾氣消正行修而慝行
化斯邑雖煩瘠而民猶知相顧相安者其維繫蓋非偶
然矣蘭自庚子六月奉命來守是邑見地當衝要又居

淮河下游連年水溢東西並災民困事劇治理甚不易然而訪舊政濟時艱猶幸邑有人焉相與左右調劑於其間獨念河渠何以利災荒何以豫游民何以有常業尤望諸君子隨時助予不逮以謀保全庶瘠民咸知向義雖凶歲亦不致爲匪矣若夫學斥佻達歲登賢良崇獎後進追蹤前人於以綿教澤而符衆望固斯邑所重有賴也有其勵之安知後不增美於前所云耶茲因同人修輯舊志校讐已定以稿示余告將梓行遂就所見及者杼臆以爲叙不復計其義之陋略語之荒浮也道光辛丑孟夏之吉賜進士出身敕授文林郎知寶應縣

寶應縣志

卷首序

九

事長清孟毓蘭書

寶邑自聞人公撰志略六卷而後有記載之文今雖未見其書然出宰官之手恐未必詳矣萬歷志爲吳南華先生手筆國朝康熙間家侍讀石林公重加編輯猶稱吳志筆削之公今又百五十年後之人既乏著作之才尤懼私言之不足徵信顧欲恃淺見渺聞網羅放失暨憂憂乎其難已己亥之秋湯副使竹銘欲輸貲爲續纂計以諭于衆同志者相與從臾卽於是冬屬草至辛丑夏剗鬪竟夫此百五十年中豈無摻觚家可繼石林公而起者特以邑人而志邑事譙訶責備之所叢集故因循退讓作而復輟者有之然使人存自好之見視爲畏途故老日涇舊言凋落茲事不幾無集時耶今同人不避好事之譏以成湯君之志且俾後來者因文以得其人或因人以得其事邑中文獻庶不至無徵矣爰括其顛末識諸末簡覽者勿加以譙訶責備則幸甚道光二十一年六月邑人喬載絳識

寶應縣志

卷首序

一〇

修志之神與修志之難子激明府止巢翁旣序之跋之矣僕何復綴詞惟覽南華之書曰寶應縣志石林之書亦曰寶應縣志而茲則曰重修縣志者重有因義因而重之沿襲前蓋人不敢鼎足焉云爾然而修之訓不一鄭氏注禮運云修飾也許氏解字同之又注檀弓云修

治也張揖廣雅本之從飾之訓主增美從治之訓主釋
回二者義若相觸而適相成也夫人能糾人之失而不
能自糾其失今人能糾前人之失而不能保後人不更
糾今人之失著述之通病也然惟恐人糾我之失而遂
不糾人之失惟恐後人更糾今人之失而遂不敢糾前
人之失抑又私矣尊良金而不泔襲良玉而不攻烏乎
言修也竊持此意以贊襄同人於前志之偶疎府志之
微舛未嘗不盡心焉後之視今猶今視昔求鑒於古人
可並欲求免於時人與後人則萬萬不敢自信也邑人
劉金殿識


今志序

志修於道光辛丑距今又將百年時遷事貿紀載闕如
會予廢修江蘇通志府縣將各以志上邑人始有續修
之議請於官帶征田賦集金開局亦使予主纂輯予居
是且三世鄉土之愛不敢後人乃發舊志之存者次第
觀之康熙志承吳編之舊出石林先生一手成書僅百
餘日事故嬗革不克悉載道光志取而充之似詳備矣
然分目繁衍敘述或失翔實劉氏贊勳爲辨正之今審
所言亦不敢謂盡是也於是集諸邦彥商定義例更立
類目以疆域建置山川屬居君健卿食貨屬居君芷卿

學校選舉武備屬朱君伯魯官師人物屬朱君靜川列
女藝文屬朱君庶侯古蹟雜類屬成君翊青復以朱君
紹伊總其事數年稿成及半紹伊病廢易其族叔慰子
代之君亦左予覆審通志者也同居海上朝夕編摩乃
無暇及此志去年始挾稿來商榷去取作而轅者復屢
矣夫石林先生當康熙全盛之日朝野無事優遊林下
專心撰述成書甚易道光中葉大亂將作人心浮囂從
容載筆已不若往時遠甚然主志事者並邑碩儒故能
周諮博攷蔚爲鴻篇迨予是時人問何世兵戈不休羣
盜盈野舊家書冊散爲縻帷官府文牒蕩於灰燼興廢

寶應縣城圖

一城周一千四十七丈南北大街長二百六十五丈東西無直街自東門至魚市口一百六十八丈自嘉定橋口至西城根九十四丈共二百六十二丈短長相廣積六萬七千九百五十八平方尺為地一千一百三十二畝六分二釐 一正河自水關至東水關長七百二十五丈四尺支河自雞嘴至會水灣長一百二十九丈 一每方十丈街巷窄者稍加寬以清魚目 一街巷河渠均依中心加畫雙線民房墻址河岸曲折參差不齊難於照摹閱者諒之 一僻徑小巷及空地得蓋草屋等處本應詳細繪出因限於時日不及測量後來復查仍可補入 一方向尺寸恐有訛舛惟 大雅君子正之幸甚 邑人劉啟雲測繪



寶應縣志纂修姓氏

監修

戴邦楨 幹如安徽旌德縣人前己丑舉人 民國五年任寶應縣知事

孟憲珊 海州灌雲縣人 民國十九年任寶應縣長

趙世榮 蘇州儀徵縣人 民國十九年任寶應縣長

江輔勤 懷之浙江奉化縣人 北京大學畢業 江蘇縣長 考試及格 歷任如皋海門縣長 現任寶應縣長

總纂

馮煦 高庵金壇縣人 前丙戌探花 安徽巡撫 江蘇通志總纂

協纂

朱學程 紹伊邑人 前附生 安徽知縣 朱農生 慰予邑人 前附生 江蘇通志續纂

寶應縣志 卷首 纂修姓氏 一四

分纂

居福乾 健卿邑人 前丙子舉人 陳運知縣 朱學曾 伯魯邑人 前附生 江蘇通志分纂

居福升 芷卿邑人 前廩廩生 朱琪成 靜川邑人 前獎廩生 布政理問

朱孫蕃 庶侯邑人 前法部主事 成靜生 琳清邑人 前廩生 知縣

參訂

劉啓瑞 翰臣邑人 前甲辰進士 內閣中書

總校兼分校

王懋恭 頌宸高郵縣人 前附生 劉啟安 皖生邑人 前高醫舉 梁民政部八品醫官

湯之盤 韻楫邑人 安徽巡檢 張紹華 陽縣邑人 前優附生

提調

胡金淦	汪伯邑人前附生河南直隸州	劉啓彬	文豐邑人前直隸知縣
朱雲翰	次屏邑人前廩貢生	王鼎彝	楷湖邑人前廩貢生
朱瑞年	頌符邑人前優附生師範科舉人小書街	徵訪	
朱雲鵬	昆池邑人前優附生豫南師範畢業	芮超萬	小雲邑人前廩貢生重游泮水
劉文輔	同桓邑人前優廩生	汪朝鼎	錫九邑人前師範畢業府經歷
葛浚	節之邑人前附生法政畢業	相維馨	莊升邑人前優廩生
魯薰	文伯邑人前附生法政畢業	文牘	
王鴻慶	茗軒邑人前優廩生	汪泰	際唐邑人前優廩生
收掌	鐵梅邑人師範畢業江蘇通志編纂委員會採訪	賀應縣志	卷首 纂修姓氏 一五
田家駒	耀先邑人	喬葆泰	吉之邑人
庶務		郝延稷	存湖淮安縣人
劉奉詩	子炎邑人	朱廣潤	德安邑人
畢人楫	仲舟浙江杭縣人		

例言

寶應志乘明有嘉靖隆慶萬歷三志久佚存者清康熙間喬萊撰志二十四卷道光間喬載綵等修志二十八卷今省稱前志曰康熙志後志曰道光志

今志依新修江蘇通志及各縣志例截止清宣統三年斷代為之後此國故變更沿革尤繁別為續篇敬待來哲

道光志分目循舊志增易參差未能盡一今類次總目十三日疆域曰建置曰山川曰食貨曰學校曰選舉曰武備曰官師曰人物曰列女曰藝文曰古蹟曰雜類道

應縣志 卷首 例言 一六

光志子目各以類入間有竄易不異前軌

修志當存舊續新不宜輕改原本辭未允者亦無敢或易正誤補佚則據劉氏寶楠寶應圖經劉氏贊勳道光志辨成氏孺儒林文苑循吏孝友事實冊等書各著所自以備攷覈惟舊志多錄前人詩詞流連風景無關典要茲姑舍旃

星象分野久持異議前志已載姑襲其舊晷度節氣辨方協紀存以為農事之準志原有山川一目邑實無山峯岡之屬皆強附會惟川則興廢存亡所繫道光志附入水利尤為當務之急繁稱侈引以備甄采故不厭求

詳云

食貨一志多據現時檔冊綜列頗詳歸併折納乃與舊志有異隸以蠲賑水旱亦史例也善舉則又附之

昔人以資得官保任入仕古莫之廢然必當官見稱始登職籍若彙為收載殊失裁制况自軍興此塗愈廣不能勝書若封贈為私家之榮不惟無繫賢愚抑亦非關

文獻皆以舊志為斷無所附益此丁氏晏山陽縣志例陳氏玉樹修鹽城縣志從之今亦用其例不復增纂

人物傳當仿一統志以時代和次不必多立品目抵牾牽合轉有闕遺道光志通率前篇今亦未敢更張復增

寶應縣志

卷首 例言

一七

忠義孝友二目以歿於王事及內行及旌表者隸之新增諸傳多據成氏事實冊及范氏士齡耆舊傳各書錄自徵訪冊者十不及二三列女繁夥校者疲於簡對紛紜複沓不能免譏者之譏也

寶應儒術文章兩耀前代歷數千年流風未沫藝文一志允宜博採冥搜勒為專書道光志所收既隘縣人著

述與他邑投贈之作雜糅且不盡關風土乖例甚矣今所徵訪篇什益寡姑分體錄入為之疇矢

古蹟金石無可增輯著其存佚而已據記異聞因循舊志略事摺拾或涉支離藉資掌故

縣志貴簡然考古證今亦有不得不詳列者更有徇人之請瑣屑靡遺直類簿籍無體製之可言矣志成之日距初纂已十餘稔任事者星散難於咨討所據冊籍稿本亦不復得見考正無從訛脫滋多理而董之以竣方來

寶應縣志

卷首 例言

一八

寶應縣志目

卷首

序 縣境圖 縣城圖 例目

卷一

疆域志 歷代沿革表 晷度 至到 風俗 土產 方貢附

卷二

建寘志 城池 公署 壇廟 倉儲 鋪莊 街巷 坊表 津梁 園圃 寺觀

卷三

山川志 山川 水利附

卷四

寶應縣志 卷首目 一九

食貨志 戶口 田賦 屯衛 解支 鹽課 雜稅

卷五

食貨志 水旱 關販

卷六

學校志 廟制 學額 學田 書院 義學附 學堂

卷七

選舉志 辟薦表 科貢表 武選附 封贈 事例 蔭恩 恩叙附 恩例附 學堂獎勵表

卷八

武備志 操防 修防 詳選

卷九

官師志 官師表

卷十

官師志 官績

卷十一

人物志 列傳

卷十二

人物志 列傳

卷十三

人物志 循良 忠義

卷十四

人物志 孝友

卷十五

人物志 篤行

卷十六

人物志 文苑

卷十七

人物志 隱逸 藝術 流寓 方外

卷十八

列女志 貞烈

卷十九

寶應縣志 卷首目 二〇

列女志	節孝
卷二十	
列女志	節孝
卷二十一	
列女志	節孝
卷二十二	
列女志	賢明
卷二十三	
藝文志	書目
卷二十四	
寶應縣志	卷首目
藝文志	論說 策議
卷二十五	
藝文志	序跋
卷二十六	
藝文志	書牘
卷二十七	
藝文志	碑記
卷二十八	
藝文志	傳狀
卷二十九	

藝文志	誌銘
卷三十	
藝文志	辭賦 銘贊
卷三十一	
古蹟志	古蹟 墓域 義冢附 金石
卷三十二	
雜類志	雜記 異聞
寶應縣志	卷首目